

ADDENDA AO CONVENIO PARA A ASUNCIÓN POLA ADMINISTRACIÓN XERAL DA COMUNIDADE AUTÓNOMA DE GALICIA DA CONVOCATORIA E DESENVOLVEMENTO DOS PROCESOS SELECTIVOS UNITARIOS PARA O ACCESO ÁS DIFERENTES CATEGORÍAS DOS CORPOS DA POLICÍA LOCAL ENTRE A VICEPRESIDENCIA PRIMEIRA E A CONSELLERÍA DE PRESIDENCIA, XUSTIZA E TURISMO DA XUNTA DE GALICIA E O CONCELLO DE PORTO DO SON

A Estrada, asinado dixitalmente

REUNIDOS

DUNHA PARTE, D. Diego Calvo Pouso, conselleiro de Presidencia, Xustiza e Deportes da Xunta de Galicia e presidente do Consello Reitor da Academia Galega de Seguridade Pública, actuando en nome e representación da Administración xeral da Comunidade Autónoma de Galicia en virtude das competencias que ten atribuídas no artigo 34 da Lei 1/1983, do 22 de febreiro, reguladora da Xunta e da súa presidencia, no Decreto 136/2024, do 20 de maio, polo que establece a estrutura orgánica da Consellería de Presidencia, Xustiza e Deportes, no artigo 8 da Lei 1/2007, do 15 de xaneiro, da Academia Galega de Seguridade Pública e no artigo 2.2. do Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de Policía local, vixilantes municipais e auxiliares de policía local.

DOUTRA PARTE, José Luis Oujo Pouso, titular da Alcaldía-Presidencia do Concello de Porto do Son, actuando en nome e representación deste en virtude das competencias que ten atribuídas pola Lei 7/1985, do 2 de abril, reguladora das bases do réxime local, e pola Lei 5/1997, do 22 de xullo, de Administración local de Galicia.

Recoñecéndose ambas as dúas partes con capacidade e representación legal suficiente para o outorgamento desta addenda,

EXPOÑEN

I. O 25 de marzo de 2021 a Vicepresidencia primeira e Consellería de Presidencia, Xustiza e Turismo (actual Consellería de Presidencia, Xustiza e Deportes) asinou co alcalde-presidente do Concello de Porto do Son o Convenio de colaboración para a asunción pola Administración xeral da Comunidade autónoma de Galicia da convocatoria e desenvolvemento dos procesos selectivos unitarios para o acceso ás diferentes



categorías dos corpos da policía local. Este convenio non incluía a colaboración na convocatoria e desenvolvemento dos procesos selectivos unitarios para o acceso ás prazas de auxiliares de policía local.

II. Con data 25 de marzo de 2025 asinouse a prórroga do dito convenio para seguir contando coa asunción por parte da Administración Xeral da Comunidade Autónoma de Galicia da convocatoria e desenvolvemento dos procesos selectivos unitarios para o acceso ás diferentes categorías dos corpos da policía local.

III. O 3 de xuño de 2025 o Concello de Porto do Son presenta a certificación da persoa titular da Secretaría do Concello de Porto do Son que acredita a adopción no Pleno do Concello de Porto do Son, na sesión realizada o 29 de maio de 2025, do acordo para a delegación na Consellería de Presidencia, Xustiza e Deportes as competencias relativas á convocatoria e desenvolvemento do proceso selectivo unitario para o acceso aos postos de auxiliar de policía local, durante todo o prazo de vixencia do convenio asinado o 25 de marzo de 2021 e prorrogado o 25 de marzo de 2025.

IV. A Lei 4/2007, do 20 de abril, de coordinación de policía locais establece no seu artigo 32.7 que "A Xunta de Galicia poderá asumir a convocatoria das prazas vacantes e, de ser o caso, a formación e o período de prácticas naqueles concellos que así o acorden mediante os oportunos convenios de colaboración".

En desenvolvemento desta previsión, o artigo 2.2 do Decreto 115/2017 establece que "a cooperación da Administración xeral da Comunidade Autónoma de Galicia cos concellos mediante a asunción da convocatoria das prazas vacantes dos seus corpos de policía local, incluídas, de ser o caso, as de auxiliares de policía local ou dos postos de vixilantes municipais, de non existir no concello o corpo de Policía local, requirirá a celebración do oportuno convenio a través da consellería competente en materia de seguridade".

V. Dentro do devandito marco regulador, a Administración xeral da Comunidade Autónoma de Galicia, a través da Consellería de Presidencia, Xustiza e Deportes e da Academia Galega de Seguridade Pública, desexa cooperar activamente cos concellos de Galicia que dispoñen de corpo de Policía local e das prazas de auxiliares de policía local, mediante a asunción da convocatoria e desenvolvemento dos procesos selectivos para o acceso ás diferentes categorías dos devanditos corpos e prazas de auxiliares de policía local e de vixilantes municipais.



VI. Mediante acordo do Pleno de data 29 de maio de 2025, adoptado en cumprimento do previsto no artigo 22.1.p) en relación co 47.2.h) da Lei 7/1985, do 2 de abril, o Concello de Porto do Son delega na Administración xeral da Comunidade Autónoma de Galicia as competencias relativas á convocatoria e desenvolvemento dos procesos selectivos para o acceso ás prazas de auxiliares de policía local, por todo o tempo de vixencia do presente convenio.

Logo da solicitude do Concello de Porto do Son de asinar unha addenda co fin de delegar na Consellería de Presidencia, Xustiza e Deportes a asunción das competencias para a convocatoria e desenvolvemento dos procesos selectivos unitarios para o acceso á categoría de auxiliares de policía local, a Comisión de Seguimento réunese o 5 de xuño de 2025 para estudar a solicitude presentada polo dito Concello, en virtude do que establece a cláusula sétima do Convenio, e propón a formalización dunha addenda ao convenio asinado o 25 de marzo de 2021 e prorrogado o 25 de marzo de 2025 para incluír na delegación outorgada a convocatoria e desenvolvemento dos procesos selectivos unitarios para o acceso á categoría de auxiliares de policía local.

Para instrumentar esta delegación, e de acordo co previsto no artigo 2.3 do Decreto 115/2017, do 17 de novembro, e na lexislación de réxime xurídico do sector público e de réxime local, ambas as dúas partes acordan incluír esta Addenda ao Convenio asinado o 25 de marzo de 2021 e prorrogado o 25 de marzo de 2025 as seguintes

CLÁUSULAS

PRIMEIRA: modifica os apartados primeiro e segundo da cláusula primeira do convenio: Obxecto.

1. Este convenio ten por obxecto instrumentar a delegación do Concello de Porto do Son na Administración xeral da Comunidade Autónoma de Galicia das competencias relativas á convocatoria e desenvolvemento dos procesos selectivos para o acceso á categoría de auxiliar de policía local e a aplicación do réxime recollido nos artigos 18 e seguintes do Decreto 115/2017, do 17 de novembro, polo que se regula a cooperación da Administración Xeral da Comunidade Autónoma de Galicia cos concellos na selección dos membros dos corpos de policía local, vixiantes municipais e auxiliares de policía local.

2. En virtude da devandita delegación, a Administración xeral da Comunidade Autónoma asume durante o período ao que se estende a vixencia do convenio asinado o 25 de



marzo de 2021 e prorrogado o 25 de marzo de 2025 a convocatoria e desenvolvemento de todos os procesos selectivos para as prazas de auxiliares de policía local, segundo as necesidades de persoal que lle sexan comunicadas polo concello na forma e prazos establecidos no presente convenio e demais normativa de aplicación.

SEGUNDA: modifica a cláusula segunda do convenio: Comunicación á Academia Galega de Seguridade Pública das prazas concretas a convocar e prazo para efectuar a devandita comunicación.

O concello de Porto do Son, no momento da sinatura do convenio ou ben nun momento posterior e, en todo caso, antes dos prazos que a continuación se indican, deberá comunicar á Academia Galega de Seguridade Pública, no modelo que se recolle no Anexo I, o número, a denominación e as características das prazas que se terán que convocar para o seu corpo de policía local, incluídas, de ser o caso, as de auxiliares de policía local, con determinación expresa da escala e categoría a que pertencen, indicando o grupo de titulación que corresponda, o nivel dos postos e as condicións ou requisitos necesarios para o desempeño de cada un deles, así como o sistema de acceso aplicable.

A comunicación deberá ir acompañada dunha certificación da persoa titular da secretaría do concello na cal se acredite o cumprimento de todos os requisitos legalmente esixidos para a convocatoria das prazas, segundo o modelo que se recolle no Anexo II deste convenio.

Os prazos para efectuar a devandita comunicación son os seguintes:

- Antes de que remate o mes de xaneiro de cada ano, para o acceso, mediante o sistema de quenda libre, á categoría de policía ou para o resto de categorías e sistemas dos corpos de policía local cuxos procesos selectivos unitarios estean habilitados conforme a previsión do apartado b) da disposición adicional única do Decreto 115/2017, do 17 de novembro.
- Antes de que remate cada ano natural para as prazas de auxiliares de policía local.

TERCEIRA: Efectividade das referencias ás categorías do corpo da Policía Local no convenio de referencia para os auxiliares.



Quedan en pleno vigor e son totalmente aplicables todas as referencias ás categorías do corpo de Policía Local que se recollen no Convenio para a asunción pola Administración xeral da Comunidade Autónoma de Galicia da convocatoria e desenvolvemento dos procesos selectivos unitarios para o acceso ás distintas categorías dos corpos de Policía Local entre a Vicepresidencia primeira e Consellería de Presidencia, Xustiza e Turismo (actual Consellería de Presidencia, Xustiza e Deportes) da Xunta de Galicia e o Concello de Porto do Son para os auxiliares, e se inclúe nesta addenda a delegación de competencias en materia de convocatoria e desenvolvemento dos procesos selectivos para o acceso á categoría de auxiliar de policía local.

O contido desta addenda intégrase no corpo do referido convenio e, polo tanto, obriga ao cumprimento do expresamente pactado, someténdose ambas as dúas partes ao acordado en todas as estipulacións.

CUARTA. Publicidade.

1. En cumprimento do disposto na Lei 1/2016, do 18 de xaneiro, de transparencia e bo goberno de Galicia, e no Decreto 126/2006, do 20 de xullo, polo que se regula o Rexistro de Convenios da Xunta de Galicia, a Consellería de Presidencia, Xustiza e Deportes remitirá os datos necesarios para a publicidade do convenio e informará na páxina web oficial da devandita subscrición cos seguintes datos básicos:

- a) Identificación das partes que interveñen.
- b) Importe do financiamento.
- c) Data da sinatura.
- d) Finalidade.
- e) Período de vixencia.

2. A sinatura desta addenda implica a autorización expresa para o tratamento necesario dos datos e publicidade referida no número anterior. As partes asinantes da addenda manifestan o seu consentimento para que os datos persoais que constan neste convenio, así coma o resto das especificacións que contén, poidan ser publicados no Portal da Transparencia e Goberno Aberto da Xunta de Galicia e no Rexistro de Convenios da Xunta de Galicia.



En proba da súa conformidade, asínase esta addenda na data da sinatura dixital.

O conselleiro de Presidencia, Xustiza
e Deportes e presidente do Consello
Reitor da Academia Galega de
Seguridade Pública

Diego Calvo Pouso

O alcalde do Concello de Porto do Son

José Luis Oujo Pouso



ANEXO I**MODELO DE COMUNICACIÓN DAS PRAZAS A CONVOCAR - CONCELLO DE**

1.- Prazas a convocar DAS DISTINTAS CATEGORÍAS DOS CORPOS DE POLICÍA LOCAL

(Referencia da aprobación e publicación da correspondente oferta de emprego público)

Nº PRAZAS	DENOMINACIÓN	ESCALA	CATEGORÍA	TITULACIÓN ESIXIBLE	NIVEL	SISTEMA DE ACCESO	PROCEDEMENTO DE SELECCIÓN

(De ser o caso, indicando as prazas ás que afecte:

Funcións:

Condicións:

Requisitos:

2.- Prazas a convocar de AUXILIARES DE POLICÍA LOCAL**Grupo profesional: C2****Titulación esixible: Graduado en ESO ou equivalente****2.1.- Prazas a convocar:**

NÚMERO DE PRAZAS	DATA DE INICIO DO CONTRATO	DURACIÓN PREVISTA DA CONTRATACIÓN

2.2.- Lista de auxiliares de policía local no ano en curso:

Nome e apelidos	Data inicio de contrato	Data fin de contrato	Período contratado



ANEXO II

MODELO DE CERTIFICACIÓN DA SECRETARÍA DO CONCELLO

-----, titular da Secretaría do Concello de -----,

CERTIFICA

Que se compren os requisitos esixidos pola lexislación vixente para a convocatoria dos procesos selectivos das prazas que se recollen no documento Anexo I a esta certificación.

E para que así conste ao efecto da comunicación das devanditas prazas á Academia Galega de Seguridade Pública para a convocatoria do/s correspondente/s procesos/s selectivo/s unitario/s, de acordo co previsto no convenio de data XX/XX/XXXX asinado entre este Concello de ----- e a Consellería de Presidencia, Xustiza e Deportes, expido e asino esta certificación por orde e co visto e prace do/a alcalde/esa.

Data

